

續修四庫全書

《續修四庫全書》編纂委員會編

續修四庫全書

上海古籍出版社

一五三九・集部・別集類

九梅村詩集二十卷

〔清〕魏燮均撰

一

胡文忠公遺集八十六卷

（卷一至卷四十二）


〔清〕胡林翼撰

一六七

銘鼎臣先生校刊

九梅村詩集

俞樾署檢



九梅居士詩序

余曩見先師五言廣夫子所
著詩法遠親子言詩自其歸
有闕外倚人惟子一人之語
心儀久之壬申夏奉
命回

九梅村詩集 序

一

陪都文苑任於省暇劉少府
刺史因詢及先師遺稿松中
云子言無害廣為詩友
唱和無害日諒必有小鈔
本且正信居省垣常即坡
刺移訪一見如舊多相得

甚歎遂延授大懷公傳與傳
古今詩學與詩彈見治國
原一幸一酒不慨為名宿其
著九梅詩集清抵野趣滿
瀟步發豁人骨可謂象體
皆備美不陵物矣全稿若干

九梅村詩集序

二

昔晚年削膏存後自刪大半
復求初雪代為校訂僅存
若干首余隱隱付梓以博
流傳先生禮讓謙未遑及
以先生博學強記與激古
今使躋科名致通顯居其抱

負文章重動業必有可觀乃
竟未獲一第以明經致終
意名場不求聞達者隱山林
亦可慰矣雖天雖新先生之
功名而未能新先生之學業
詩窮而學上學與年俱進吾

九梅村詩集序

三

知此集一出於一閱于當時名
傳于世則所得已多而吾
師因外詩人之語亦信非
雲雲也先生名變均又
歸鐵氏在天鐵嶺人王楷書
尤精行草著有香雪齋

筆記待刻晚年好佛

其物之競惟以授徒吟詠

自娛蓋其天懷冲淡胸

次高超宜其發而為詩

飄然乎欲仙也易曰不事

王侯高尚其志先生有焉

九梅村詩集

序

四

將付剞劂爰綴數語以誌

顛末

光緒元年歲次乙亥仲夏

浣愚弟銘安於多拜序

九梅居士詩集序

余性直且量褊不忤於俗獨遇燕落之友
性之好之而其間能以文詞自表見者則
好之尤篤蓋性生香不可以強致也性者
年矣舉客遊星沙遇同年友張君哲
堂以選貢教授鄉里酷嗜詩歌不求知
於人時人亦罕得見其詩者故與余相
切劇明年余遊京師堂出所作郵寄

九梅村詩集

序

一

哲堂哲堂刻求於一字一句之間不稍寬
假使非性情相感發烏能以南北數千
里遙隔詩客余與哲堂者數未幾而哲
堂死矣余不得與於寢門僅垂為詩以
弔之偶歸志早決其詩以傳其人
或稍行風昔嗜好之者乃濡澤都門而
南故里閭烽火燭天兵車之所蹂躪也
錫之所窺伏也其人已往而其詩亦

付之者冥冥天不復知其能存與否也
吁良可悲矣近寓遼東得與九梅居
士交居士少負美志無所遇困於少壯記
室者青年平居好山水尤愛結納英
流抑鬱沈晦之無時於詩書之悲慨
曉舒括堂堂為跋闕山遊軒又題三律
於搬遷諸作後居士樂之以為知音茲
復出九梅村全集問序於余余以居士之

九梅村詩集

序

二

詩之富間漢舊亦固不可喜都人士既
知而慕之矣余以余言為重輕然而余
不獲再見括堂又不獲稟集其詩每款
歎感慨不能自禁苟得見於括堂者雖
不淺其人程將網羅散失矧以余為同
心成就乎必居士者於胸臆以終重貽
美日之感哉然則余言雖重且重輕而
文揚居士之志固性所樂為也居士性純

氏名變均字公隱初字子亨錢侯崇貢
生世居其邑之南鄉故又別號九梅居
士云
咸豐乙卯夏五月楚南桐雲吳大廷序
於瀋陽鏤院

九梅村詩集

序

三

九梅村詩集序

余友九梅主人魏芝翁者才推絕世系
出清門文昭之裔必昌畢萬之名始大
賢操鈞軸與向牛喘者同稱諫補衮衣
較誇鳳鳴者尤著衆同珍秘笈伯陽為
閨苑之仙道學懋純修了翁乃儒林之
彥揚清芬於百代仲房壽考仁浦寬和
留碧血於千秋蒲壯廡明廓園忠節或

九梅村詩集序

十

父甘肥遜聖朝錫著作郎官或子虞克
宗天子呼清逸居士彼譽擅蝶狂書成北
史言多犀利錄著東軒者無論已迨逢
昭代尤生偉人尚書則堂喜名松宰相
則卿曾紀柏三珠繼美文章共仰甯都
雙壁聯輝勲業羣推昌國若吾兄芝
翁先生者雖云後起不愧前賢少懷吐
鳳之才長擅雕龍之技于將出匣邀目

色於宗工星宿羅胸致心傾於吾黨第原憲

歌聲金石未享大烹曾參考養肥甘金資
脩脯是文雖憎命而才可療貧蓮幕韜光
杜司勳風流宛在花疆佐治沈麟士天趣
猶存好入名山遊到霞勞謝公屐齒喜聽
香雷曲有誰知司馬琴心十年結翰墨因
緣八口得烟霞供養當其買山學稼起屋
藏書移家紅杏村中擬內綵楊郭外享出

九梅村詩集序

二

人樂聊為郊島長吟效田家詩不讓儲王獨
步模山範水鮑俊庾新嘯月吟風班香宋豔
或懷人而後或感舊燈前或梵宇留題籠
紗見重或旗亭雅奏畫壁爭傳丁卯橋既
住詩人甲乙編自成吟集仰君鴻範實龍山
靈氣所鍾偕我燕游想驥櫪雄心猶壯每抒懷
抱路感雨風憑弔興忘山過松杏溯往哲名
媛芳躅夷齊廟古姜女祠荒蹤臨榆孤竹奇

觀澄海樓高薊門塞遠

神京巍煥快學士之觀光佛土莊嚴携同人
以攬勝搜典籍於五都之市識丹青於百
寶之場洵乃情芳致足樂也士何鄉居康
了既捐繅於秋風辭賦歸來復徜徉於
故里依然措大稿束牛腰不廢吟哦句拈
驢背乃突遭世變驚風鶴之皆兵孰策軍
防慮荏苒之多盜幸

九梅村詩集

序

三

天威震而撻伐用彰民業安而膚功克藏
高歌秋興攄杜少陵報國之心歷數知音作
陶彭澤感恩之想近則金闕云遙銀罔小住
君來下榻我幸比鄰時而聯座烹茶品書評
五時而當窓剪燭說鬼談仙六合外六入禪
鋒妄言妄聽千古前都歸話柄何是何非適
見卷帙堆牀珠璣滿紙披吟弗釋擊節欲狂
嘔出半心我編次卅年詩草有需剗剗且好

珍藏余因之有感矣我

朝文運昌明兼崇詩學理儒隆重尤獎才人
沈錢大老早標譽於

鑒坡蔣趙英才齊蜚聲於翰苑宗風未墜王
新城提唱於前詞坵爭奇袁太史承流於
後使君得施其和聲鳴盛之才華發而
為體物緣情之制作擅場

熙世嗣響唐賢則燕許大筆將爭雄

九梅村詩集

序

四

於玉笋班行而沈宋名篇應競賞為
金華殿語也是為序

同治八年歲次己巳九月既望後七日叙於
勿躁軒之雪窗下

愚弟文瀾商廣源頓首

九梅村詩集序

僕酷愛名山如求良友乙卯正月將訪遼陽之千山出關先抵海城維時積雪未消春風多厲寒巖枯寂無可問途小住兩月餘復爲問字者羈絆孤館排悶無可與語幾謂深負此遊矣迨四月與鐵嶺魏君子亭遇於客邸甫聆警款竊意非讀萬卷書徧遊名山大川者不能有此詢之知以明經而隱於幕府者已十餘年矣工書法尤邃於古一時碑版墓誌多出其手傾談竟夕遂訂心交且恨相見之晚明日卽出所著九梅村詩草相示披讀再四覺古近體淡遠古樸逼真王孟工於發端言

九梅村詩集序

情尤切惟五律爲益工爲擊節者久之復念僕千里馳驅未覽名山先獲良友此遊已爲不負且往來賡和不容契比金蘭更勝於青山爲弟昆矣特未識山靈有知曾如我兩人否也全稿讀竟手錄百餘篇藏諸行篋蓋僕與同鄉史香崖孝廉方輯永平詩鈔自夷齊采薇歌以迄近時名作具有成帙尙未付梓子亭原籍昌黎舊係同郡擬欲增入以光簡編茲將原稿珠還故誌其顛末如此

咸豐五年仲夏書於海城之繡嶺山房

樂亭愚弟職卿常守方

九梅村詩集序

魏君子亭余肝膽友也而始則文字交益以詩而深焉者道光乙未余初渡遼至鐵嶺授徒於子亭里中子亭聞余知詩造訪之相見類平生歡各出所作兩相悅遂訂知交從此酬和往來無間寒煥情日深而誼益篤殆所謂一日不見如有失一詩不質如負債者居平每私相推許子亭謂余水部後身余謂子亭香山再世吾兩人狂誕不忌一至於此戊戌冬余歸觀山左子亭手錄所爲詩數卷乞攜歸就正於余先君先君披覽樂之既喜斯道越海有傳人又喜庸之能擇交良友也慨然允

九梅村詩集序

爲弁言以資宏獎且欲加墨點評識於其上命筆未竟而先君遽以疾逝嗚呼余不才不能如司馬遷續成其父談未成之書而使子亭不得余先君一言以爲重亦子亭之詩之坎坷不遇也其後吾鄉父執李魯欽李子亮王亦園李希夷諸先生聞其事而悲之爭先索讀爲之較定爲之題詞以唁吾藐孤失怙之痛以卒吾先君未了之志以慰吾子亭千里外慕道之誠此又子亭詩不幸中之一幸也逾年郵寄子亭子亭雖恨初願未償而快諸先生之賞音識曲頗以余爲不相負越三年余再遊遼左以李后桐所訂主客圖詩示子亭子亭讀之

有所得於是吟益苦壬寅余復南歸家居積十載侘傺無聊思子亨綦切乃於咸豐辛亥復爲遨遊方見子亨輒問近作翻卷未終而掩卷歎向所自命與之竝駕齊驅者今則瞠乎其後矣蓋子亨近年卜居東山領煙霞泉石之趣日究心於主客圖中宜乎不作塵世語又客遊於東國諸侯以求江山激發其氣東觀滄海之日西攀醫閭之雲南登千山之巔北出黃龍府之外所遊之境與所吟之詩如逢大敵戰不旋踵如逢猛獸疾與之角雖欲不奇不工弗可得矣且所與友者有若王拓園劉松雲吳彤雲常職卿皆一時名士而子亨虛以下之

九梅村詩集

序

二

以薰陶其學問涵養其性情開拓其心胸鼓盪其才力此其所以發而爲詩不必規規焉模唐不必沾沾焉不模唐而自出入乎儲張賈孟之間矣獨是子亨推心置余腹余豈敢故爲諛言以重得罪哉況子亨方謀爲余購小妻求田問舍約他年挈眷北遷效元白結鄰故事使世世子孫知吾兩人相愛如此是同懷者復何如耶而顧敢爲諛言以重得罪哉雖然世之識子亨者皆曰子亨與蕉園爲至交卽吾鄉之識余者亦皆曰蕉園得交於子亨而獨於子亨詩無一詞以贊此眾所感也吾固不必爲眾解其惑而以吾兩人始則爲文字交終則

爲肝膽交交誼之始終不可不有以誌之書此以質子亨竝勵子亨之日進無已子亨其不以吾言爲諛也夫咸豐五年乙卯秋七月下澣高密蕉園弟王相庸敘於紅杏山莊對山草堂

九梅村詩集

序

三

九梅詩集序

魏子亨明經余之姻友也少負奇氣有才名廣交游不拘小節爲學好古文善書法尤工於詩每下筆輒有古人遺意然家甚貧艱於進取食餼後卽棄制藝游幕宦場十數年間見日博詩益工書益精而學遂益進學使張振之先生奇其才深器重之欲提挈而未果也顧子亨襟懷曠達尤不屑以榮利是圖惟於泉石煙霞以寓其興故所至輒以恣意山水爲樂晚年遭逢世亂天下兵戈日尋雖未及犯險顛連而

朝廷征伐人民塗炭之情形又耳聞之而心傷目睹之

九梅村詩集序

而涕下矣故所爲詩語益悲憤才益恣放遂使詩境愈老詩品愈高卽未堪追踪少陵亦可以嗣響錢君先輩也其所著九梅詩集若干卷詩人王拓園極稱之謂爲遼東第一作手然不肯輕以示人人亦罕得見者余雖與之有素亦未得窺其全集庚申因修縣志出其集示余余讀之而歎廣陵散猶在人間也因題其集竝論其爲人其他行事散見別序不復贅焉

咸豐十年閏三月九日姻愚弟紫垣姜海藩頓首拜敘

九梅居士傳

魏鐵民鐵嶺人初名昌泰字子亨號芷庭因慕鄭板橋之爲人遂更名變均字伯柔又字公隱鐵民其別號也幼時嘗夢入九梅村探梅又自號九梅居士其先世昌黎人康熙初播遷於遼遂世居鐵嶺以詩書世其業家貧不事生產嗜讀書喜古文之學尤好爲詩自髫齡弄翰積三十年所著兩千餘首自名其詩曰九梅村詩集弱冠後始應童子試受知於侯葉唐先生才名藉甚明年食餼以貧故終未獲一上賢書癸丑依例貢明經學使張振之先生慕其才欲擢爲漢教習以居憂未果性

九梅村詩集序

磊落不諧於俗放達不羈時人以狂譏之生平篤交游慷慨尙義嗜奇成癖雅好藏書聞有奇書秘籍百計蒐羅不惜重價購之雖薪火不繼弗顧也與同邑吳曉山商文瀾高密王蕉園楚南吳桐雲大興王雪庵諸君子爲道義交每以風雅相切劘中年性耽邱壑厭塵囂遂奉親入山卜居於邑東南之紅杏村林泉侍養若有終焉之志無何而屢空滋甚乃慨然曰人子不能博升斗娛親志而願以菽水不供累吾親耶遂挾策遊於州縣幕中十餘年親歿益絕進取所到之處輒遊山水自放感慨悲歌恆寄之於詩居閑閉戶著書徜徉詩酒蕭然

無千里之思奚必飄泊依人而不自決其行止耶終當歸老衡門樂飢自咏而爲煙霞嘯傲之人矣

同治十一年十月之望耕石山人書於秋曹幕府之棲

鶴山房

九梅村詩集

序

二

再刪詩集序

余幼耽吟詠所作甚夥率皆里巷荒言溪山小景及壯以舌耕作計貢米遠游又多窮愁離苦之詞風格卑靡殊無當於風人之旨初爲夢梅軒小草暨覲耕集詩凡盈千首已刪其半不過如凡鳥啾啾寒蛩唧唧而已況學殖荒陋隘於見聞事皆鄙不足傳言亦淡而無味每欲概加痛削勿使稍存以除贅疣之累然友人王蕉園以爲不可蓋謂少時之作具見性情弱柳柔桑亦饒風致豈蒼松翠柏獨標勁節於時乎人有初盛中晚之年詩亦有初盛中晚之境存之以徵生平詣力耳然余每

九梅村詩集

序

一

檢舊編心終歉然燕石之珍究非楚珩可寶初經桐雲折園二君校定復自力爲刪汰前後諸集三千餘篇今僅錄千七百餘首然猶有酌而當去者松雲刺史又爲刪削數百首共存千餘篇釐爲上下二十卷鼎臣先生慨捐清俸謀爲梓行情可感也夫余生本寒微潦倒無所表見僅得託諸篇什以寫其無聊落寞之懷而又窮不能工愛不忍割覲然成集妄比風人以視夫淹博大雅之才鋪張瑰麗潤色鴻熙豈不相懸霄壤哉而乃以無關世道之言不堪質諸搢紳先生之側啞然自笑亦竊恨其無補耳然蒙鼎臣先生高情謬愛許爲可傳不

令長吉心血徒湮沒於無聞草莽餘生榮幸何極昔商寶意先生之言曰人能留幾句腐詞於天地間供後人指摘亦是福分余老矣已無求譽之心苟有以徐凝惡詩之例譏之者則余感且德焉是卽九梅翁之知己也同治十三年歲次甲戌孟冬下澣九梅逸叟書於秋曹幕府棲鶴山房時年六十有三

九梅村詩集

序

二

九梅村詩集二編序

人生出處之跡亦安有預定哉或驅於勢或迫於時心雖定於未事之先而跡不能定於臨事之際乃知動靜之機皆造物默爲主持而人不能預決之者存乎數也余自庚申賦閑里居躬耕隴畝自謂年將垂暮可以息影林泉凡所爲詩概名曰躬耕集前已敘之詳矣同治甲子爲賓興之歲同人約赴都門因念平生足跡所臨每以不得縱橫萬里爲憾今乃藉上賢書以償觀光之志固所樂也往還得詩一百五十餘篇名曰燕游小草明年又以事赴都小住兩月得詩二百有奇曰燕游續九梅村詩集

序

一

自得也其梗概類如此家所藏著述尙多如香雪齋筆記夢梅軒雜著荒史紀聞采遺集嗣響唐音集數種各若干卷俱未付梓行世云

楚南善化鈍初張鏐撰

九梅村詩集 序

二

自序

遼東以詩名著者 國朝自三老始三老者李鐵君陳后閭戴遂堂皆吾鄉先哲也余幼時讀其詩竊慕其爲人恨生也晚不獲親炙三老之教聆其緒論然區區私淑者有年矣憶自束髮受書卽耽風雅之道顧賦性愚鈍又細於才雖講求四始六義之旨未能洞悉其源迨舞象之年粗通比興輒好拈吟先師每以制藝教之性弗善也由是竊讀漢魏以下諸家詩旁搜博覽究未窺微言妙緒之所存雖時有所作或棄或畱游庠後所作漸夥存亦稍多先師見之喜曰子可以學詩矣宜勉之

九梅村詩集 序

一

於是屏棄制藝肆力於詩當其苦吟至廢寢食以求合古人之意而一切榮利之謀悉謝絕焉以是潦倒終身不得志名場者職是故也中年稍知取法就範唐賢慨然思三老之名願質陋學荒百分不及其一然性之所好又未肯決然舍去故凡遇可喜可愕可歌可泣之境無不於詩發之以存其時而紀其事蓋不忍以生平耳目足跡所及者置諸筆墨篇章之外也且夫天地之大山則有五嶽四明天台雁宕匡廬羅浮之勝水則有江海淮漢瀟湘雲夢洞庭黃河之廣名都則有燕趙齊魯秦晉吳越楚衛之邦人物則有王吳施尤朱查袁蔣趙

張之輩而余皆足不及其地生不逢其時僅得於荒陬
僻壤之區採一邱一壑之勝況所與遊者無非一時賢
俊之士志氣固無所激發學問亦因之不擴安有鴻篇
鉅製卓卓可傳上追蹤於三老者哉雖然賢愚莫及者
人才之相越也鄉黨自好者士類之同情也余雖不足
以詩名而其自鳴天籟又未忍棄之譬諸里曲村謠不
可登清廟明堂之地未始不可以娛耕氓野老之儔因
手輯所爲詩若干卷付兒輩藏之工拙自不暇計敢問
世耶倘有知我者幸勿以三老之名罪余也夫

咸豐十年歲次庚申三月上巳日九梅居士書於紅杏

九梅村詩集

序

二

山莊十硯齋

題詞

遼東三老返蓬萊冷落騷壇少雋才應是天愁風雅絕
特教君作替人來一生自獵知無敵杜句半世能狂亦可

哀黃仲則句屈指梁園賓客裏聲名誰得似鄒枚時在台湘涓別駕幕中

再題

王喬心好道飛鳥問仙鄉遊遍三山路惟逢魏伯陽煙
霞入呼吸日月看炎涼自有長生術丹經起異香

大興拓園弟王拓題

大雅久銷歇君才世不如情懷同白傳氣骨逼黃初君工選體希古志良苦傳家計未疎至誠神可格風雨護殘書

九梅村詩集

題詞

一

一洗淫哇習箏琶去弗畱杜陵誰嗣響蕭統自高樓抗
墜元音合酸鹹臭味投他年執牛耳無復撼蚍蜉

酉陽桐雲吳大廷題

沈盡鉛華態詩人魏子亨元音婉韶濩古韻軼都京味
每淡於水言能堅似城伊人勞夢想那釋溯洄情

易水海門趙文涵題

紅杏村中客春來綠滿庭半生仍記室一代此明經天
妒文章賤人傳姓字馨良朋眞耐久交道已忘形
舊雨十年別相看兩白頭古心堅似鐵宦跡泛如鷗詩
筆追三老胸懷隘九州雕成千萬本天地許長畱

津門梅莊華長卿題

一卷見平生玉壺冰比清漫徒國士許擬與古人并淡
永張王韻紆迴元白情嗟余垂老日難冀素心傾

高密勿耀王旻後題

但取心相印何妨而未謀一編來遠塞萬里到中州思
苦然髭斷天寒擁被搜幸逢南去雁爲報賀蘭秋

高密王佩韋拜題

風雅本天性吟壇早寄身眼中有吾子海外此詩人自
我少年客與君同病貧不徒文字契肝膽獨相親
心血拚嘔盡編成卅卷詩此中一生苦惟我兩人知得

九梅村詩集

題詞

二

意有真樂寓懷無此癡遙遙千載後誰竟是鍾期

高密蕉園王相庸題

耽吟自弱冠手錄一編成宜教高人賞何須俗子評七
旬週知已萬里喜關情祇有杯中物無緣對面傾

高密希尹氏王煊題

久依蓮幕日孤吟曾說梅花夢裏尋王粲登樓同作賦
鍾期流水許知音襟懷磊落人如玉格調鏗鏘句截金
非是私心阿所好與君臭味本苔岑

樂亭職卿常守方題

遼東高詠與誰鄰此日傳來幾卷新遍寄吾鄉朋舊看

天涯那得此詩人

高密子亮氏李璜題

重簾香篆漾波紋讀罷新詩夜欲分千里神交憑夢到
幾回飛逐海東雲

千首珠璣手自編詩家三昧證唐賢笑他王屋山人句
祇附青蓮集裏傳

了翁才調絕風塵常建論交意倍親遙憶臨瀛城畔月
夜深曾照兩詩人

常職卿與字亭先生同客海城交最善乙卯冬歸攜九梅詩集見示

梅花冰雪濯吟魂鄧尉羅浮晤夙因他日詩成逢驛使
也應遙寄一枝春

九梅村詩集

題詞

三

孤竹香崖史夢蘭題

讀九梅詩草戲題

遼水彎環流閭峯蒼翠峙靈氣所盤鬱秀發乃吾子吾
子幹濟才跌落騷壇裏提筆兩眼空風雲供驅使墨灑
百神驚氣懾千人死四顧賞識難狂態靡所底直欲從
九原大呼少陵起我擬效魚龍暢懷爲爾觚瑜亮竝難
容尹邢避深恥強挽百石弓臂弱顛不止何異觀滄海
江漢難爲水終不肯降伏作意垢瑕指刮磨不餘力點
綴附驥尾無鹽自忘醜唐突西施耳不畏陶胡奴拔刃
怒目視問我何爲然忘形舊知已